

عنبات عبد الحفيظ (بالعامية الفلسطينية)

كعد عبد الحفيظ من النوم من شكاريك الصبح، وسرح
على كرم العنب، ولقط العنبات بدري، وعبى السحاحير حمل
عنب، وعرمهمن منيح، ومع طلوع الشمس، استنى الباص إلي جاي
من غربه الساعة سبعة ويرجع الساعة ثلاثة...

أجا الباص، رفع عبد الحفيظ والكنترول السحاحير على ظهر
الباص، وقطع بوليت، وقعد في الكرسي الأخير، عشان الباص
مليان، وشخص لحالو.

وصل الحسبة، أجه عليه التاجر وقلو:

- بأديش هالعنبات؟
- الرطل بربع ليره.
- ممكن أدوؤهم؟
- شو بتقول؟ مش فاهم عليك... أه توحل قصدك؟.. تفضل،
صحة وهنا.

- مميمم والله زاكينين، تعرف لأنك واحد طيب، بدى أديلك

تلاتين إرش في الرطل.

- لا اااا، الجود بالقنطار، والحق بالوقيه... لا يا عمي، والله أقل
من ربع ليرة ما ببيع.

- ههههههه، ثلاثين إرش ما بدك... ولا يهملك بدي أديلك
ربع ليره.....

باع العنبات وما خلا ولا شنشولي، وأخذ القروش وفرح فيها،
بعد الظهر جاع، راح عند الفران وقالو:

- بدي خبز مدني.

- إيش مدني؟

- من إلي قدامك...

لّفت قدامه في السوق، ما لاقى شي بعرفوا، راح على بياع

العنب وقلو:

- بيعني شويت عنب، بقديش العنب؟

- الكيلو بعشر قروش

اشترى وقال:

- يا عمي، عنبات عبد الحفيظ مفش زيهن....